



**Bou ons kinders vir  
môre**

**Voorskoolse-  
Sondagskool**

**Lestitel: Om te deel**

**'n Ouerhandleiding**  
Sondagskooltuisonderrig



# Liewe Ouer

Welkom by die les “**Om te deel**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: <a href="https://bit.ly/3NACSSH5">https://bit.ly/3NACSSH5</a>
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none"><li>• Bybel</li><li>• Die les in PDF-formaat wat reeds voorberei is</li><li>• Kind se werkboek, potlode, kryte, ens.</li><li>• Die kort video, wat 'n addisionele / opsionele hulpmiddel is</li><li>• Kategismus in Vrae en Antwoorde (veral vir Konfirmasie)</li></ul> <p><b>Nota:</b></p> <p>2.1: Die ideale tyd om die les aan te bied is na die Sondagoggendgodsdienst, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



# Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. <b>Voorbeeld:</b> Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jousef aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



## Die Les

Lestitel

Om te deel

Lesdoelwit

Om te deel bring gemeenskap en vreugde

## Lesopsomming:

Ons les is vandag ietwat anders. Dit is nie 'n verhaal uit die Bybel nie, maar 'n boodskap van ons Hemelse Vader. As ons die Bybel lees, leer ons ook oor mededeelsaamheid.

Vandag gaan ons leer dat om te deel gemeenskap, vreugde en seëninge meebring.

Ons sien dat Jesus Christus ons leer om te deel. Ons ontvang soveel mooi en goeie dinge vir ons liggaam en siel van ons Hemelse Vader.

Alles wat ons het kom vanaf ons Hemelse Vader en daarom kan ons dit nie alles vir onself hou nie. Ons wil altyd probeer om 'n deel van wat ons het aan ander te gee. Ons wil nie selfsugtig wees nie.

Om aan ander te gee, word mededeelsaamheid genoem. As ons met ons familie, vriende of diegene in nood deel, voel ons dan nie goed nie? Dit laat ons gelukkig voel en dit maak ook diegene met wie ons deel gelukkig.

Is daar 'n regte en verkeerde manier om te deel? (vra die kind wat hy / sy dink)

Kom ons kyk na 'n paar voorbeelde van deel:

### **Om 'n toebroodjie met 'n vriend te deel. Wat is die beste manier om te deel?**

- Laat jy jou vriend 'n happie van jou toebroodjie neem? of
- Bied jy 'n snytjie van jou toebroodjie aan jou vriend?

(Prys die kind as hy / sy antwoord: "gee 'n snytjie aan my vriend")

Om 'n sny brood aan te bied is goeie maniere en jy laat jou vriend baie spesiaal voel.



## Alles oor Deel

### Nog 'n voorbeeld is: Om jou speelgoed te deel

- Wanneer jy vriende het wat by jou huis kom speel, laat jy hulle toe om te kyk hoe jy met jou speelgoed speel? of
- Nooi jy hulle uit om 'n speeding uit te kies en saammet jou te speel?

Weereens het jy reg geantwoord. Dit is goed om te deel, dit wys dat jy nie selfsugtig is nie en om te deel bring soveel vreugde.

Onthou, om jou speelgoed met jou broer of suster te deel, maak ook vir Jesus gelukkig.

### Die laaste voorbeeld is: Om in die kerk te deel

- Hoe dink jy kan ons in die kerk deel? (luister na die antwoord van die kind)
  - Deur ons gesangboeke te deel met 'n vriend wat langs ons in die kerk sit en nie 'n boek het nie
  - Deur ons vriende toe te laat om ons kryte in die Sondagskool te gebruik,
  - Deur ons tyd te gebruik om te help om kerk skoon te maak, of om vir mekaar te bid. As een van ons vriende afwesig was van die Sondagskoolles, kan ons vir ma of pa vra of ons hulle kan skakel en hulle vertel van die les wat oor deel gegaan het.
- As ons deel wys ons dat ons omgee.

## Wat beteken hierdie les vandag vir ons?

- God roep ons om met ander en diegene in nood te deel.
- Om te deel seën nie net diegene aan wie ons gee nie, maar bring ook vir ons seëninge.
- As ons met ander deel, beteken dit dat ons omgee.
- Om te deel maak ons en ander gelukkig.
- Die belangrikste is dat, wanneer ons deel dit vir Jesus baie gelukkig maak.

## Sommige vrae wat ons kan vra:

Vraag: Wat beteken dit om te deel?

**Antwoord:** Om te neem wat jy het en van dit aan ander te gee.

Vraag: Wat is jou beloning vir mededeelsaamheid?

**Antwoord:** 'n Gelukkige en dankbare vriend.

*'n Gelukkige Jesus - omdat jy gedeel het soos Hy gedoen het. En spesiale seëninge!*



**'n Gebed vir Pappa en Mamma om voor die les te bid:**

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

**'n Gebed na die les:**

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.